



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dvx Spiritvalis**

**Puente, Luis de la**

**Coloniae Agrippinae, Anno M.DC.Xiii.**

Cap. XVIII. De Christi Domini nostri cognitione iuxta gloriosum statum, quem habet in Cœlo Empyreo, & officijs præclaris, quæ illic erga nos exercet.

[urn:nbn:de:hbz:466:1-48784](https://nbn-resolving.org/urn:nbn:de:hbz:466:1-48784)

terra communicat, vt cum feruore progrediantur, ad fruendum ea, quam abundanter comunicat ijs, qui habitant in cælo, ipsi correptantes in Aeternum Amen.

CAPVT. XVIII.

DE CHRISTI DOMINI NOSTRI cognitione iuxta gloriosum statum, quem habet in cælo Empyreo, & officiis praeclaris, quæ illic erga nos exercet.



**A**D INTEGRAM & perfectam Christi Domini nostri cognitionem illud solum nunc est reliquum vt eum consideremus in statu illo glorioso, quem post suam resurrectionem est consecutus, & nunc in Empyreo cælo possidet, sedens ad dexteram patris, possidens optimam eius gloriæ bonam; ex qua cognitione consequemur plerumque quod dixit Apostolus. quod a reuelata facie gloriæ Domini in speculantes, in eandem imaginem transformamur. quæ autem est gloria Seruatoris, nisi quam ipsemet explicuit: b hæc oportuit pati Christum, & intrare in gloriam suam? Non est ingressus hic Dominus in gloriam animæ, per passionem: quia ab instanti suæ conceptionis eam habuit, sed ingressus est in gloriâ corporis

a 2. Cor. 3. 18.

b Luc. 24. 26



DUX SPIRITUS  
P. DE PONTE

corporis, quæ data est illi post resurrectionem & in throno gloriæ, quam habet in cælo Empireo, quò peruenit in die Ascensionis suæ.

Med. 52 par. 6  
puncto. 2.

HÆC gloria consistit in quatuor gloriosissimis dotibus, quibus sanctissimum corpus suum exornauit, CLARITATE videlicet miles maiori, quàm sit sol, IMMORTALITATE, vt nunquam amplius moriatur; IMPATIBILITATE, vt nõ sit capax vilius passionis; AGILITATE, vt eat quocunque voluerit absque defatigatione, & summa velocitate; SVBTLITATE denique aut Spiritualitate, viuens in carne non subiectus tributis carnis, sed ab eis exemptus, quemadmodum viuit qui est purus Spiritus. Hæc est gloria, quam ostendit in monte Thabor suis

in Matt. 17. 1.

discipulis, cum *resplenduit facies eius sicut Sol; vestimenta autem eius facta sunt alba, sicut vix.* & quamuis Sanctus Petrus minimam eius partem tantum videret, adeò tamen ea visione satiatus est, atque si nihil amplius haberet, quod in hoc mundo videret aut desideraret. Quid autem fecisset aut dixisset, si eam plenè vidisset, quemadmodum eius Magister nunc eam habet in cælo? Si vel vnica tantum gutta eius gloriæ pergustata, tanto affectus est fastidio omnis rei creatæ, quid fecisset, (ait Sanctus Augustinus) si ingressus fuisset in abyssum gaudij Domini sui, ac bibisset ex copiosissimo dulcedinis eius flumine? O Saluator dulcissime, concede mi-

in Soliloq  
e.

hi Spiritu



ni Spiritu intrare in cœlum istud Empijreum,  
& appropinquare diuino tuo throno, glori-  
amque tui glorificati corporis contemplari, vt  
transformer in imaginem gloriæ, quam illa  
repræsentat.

## §. I.

**A**B HOC desiderio auspicanda est tibi  
hæc meditatio, memora illius quod di-  
xit Apostolus: *a si surrexisti cū Chri-  
sto, quæ sursum sunt quaerite, vbi Christi est in dex-  
tera Dei sedens.* quibus verbis significat, oportere  
te resurrexisse cū Christo ad nouam vitam, si  
velis eum contemplari, sicut est in gloria sua. ita  
vt particeps fias gloriosæ figuræ Christi resus-  
citati; ac proinde oportere te transiisse per  
meditationes Christi crucifixi ac mortui, cum  
virtutum eius imitatione. propterea si quidem  
sponsa prius dixit: *fasciculus myrrhæ dilectus  
meus mihi.* & mox adiecit, *botrus cypri dilectus  
meus mihi:* significans (vt Sanctus Bernard. de-  
clarat) quod qui fuit fasciculus myrrhæ in pas-  
sione, excitans eam ad considerationes & affe-  
ctus valde amaros: idem postea fuerit botrus v-  
narum in resurrectione, impellens eam ad con-  
siderationes, & affectus valde dulces. Siquidẽ  
ergo botrus hic diuinus tibi proponitur tanq̃  
iudicium fertilitatis promissionis terræ ater-  
næ, quam speramus, non decet integrum de-  
glutire, quia non percipies eius dulcedinem  
sed singula grana; perpendendo videlicet

Colos. 3. 1.

b Cant. i. 13.  
14. Ser. 4. 4.  
in Cant.

Num. 13. 28.

leorfm



I.

e Isa. 53. 2.

d 1. Petr. 1. 12

e Cant. 5. 10.

seorsim singulas eius gloriæ dotes. Intuere ergo primum pulchritudinem, CLARITATEM, & splendorem diuini illius corporis, quod fuit aliquando deformatissimum & abiectissimum totius mundi, adeo ut eius Prophetæ dixerit: *non est species ei neque decor. & vidimus eum, & non erat aspectus: & desideramus eum despectum & nouissimum virorum.* O facies pulcherrima & speciosissima d in quam desiderant Angeli prospicere. Nam licet semper te aspiciant, numquam tamen aspiciendo satiantur; gaudeo de ista pulchritudine, quæ es prædita, & quæ ita illos ad te allicis. O anima mea, si daretur tibi; speciosissimam diuinæ huius faciei formam intueri, inuenires procul dubio in ea plurima dignissima, quæ videntur; licet non omnia posses comprehendere: O sponsa Regis æterni, quæ eius pulchritudinem vidisti, dic mihi *qualis est dilectus tuus*, ut cor meum desiderio eius videndi accendatur: quid de eius capite, quid de coma, quid de oculis, maxillis, labijs, & manibus eius dicis? *dilectus meus*, inquit, *candidus & rubicundus electus ex millibus*, quicquid habet præstat omnibus, quæ omnes Creaturæ habent: omnis pulchritudo siue in cælo, siue in terra tanquam nihil est, comparatione eius. & omnis similitudo; quæ ex eis potest adhiberi, valde humilis est & abiecta. Si enim dico, caput eius, esse tanquam aurum: comas, sicut elatas palmarum: oculos sicut columbas, quæ lacte sunt lotæ: labia, sicut lilia: genas, sicut granata:

manus

DUX SPIRITUS  
P. DE PONTE



manus sicut sapphiros: adeo quæ ipse habet his omnib. præstant, ut hæc dicendo, quasi nihil dici videatur. O Rex gloriæ, gaudeo quod sit tanta tua pulchritudo, tuæq; claritas; ut nihil omnino sit quod plene possit illud exprimere? o speciosissime super omnes filios hominū, compatere magnæ meæ hereditari. *Speie tua & pulchritudine tua intende prosperè, procede & regna.* tua est omnis pulchritudo, & à te pcedit mea. Per eā quæ in te est, supplex oro, ut eius me facias participem, eandē mihi radio aliquo tuæ lucis manifestando, ut eam cognoscā & amem: incipe & prosequere in me, tuæ redemptionis opus, amorē tuo me dirigens, donec perueniam ad tui regni magnitudinem intuendam; *g Teq; Regem in decore tuo videndum.* Amen.

f Psal. 44. 4.

g Isai. 33. 17.

2.  
b Cant. 15. 42

i 1. Rom. 6. 9

HINC pergere poteris ad considerationem aliarū dotium gloriæ perpendendo quæ dixit Apostolus in hunc finem: *h quod in hac vita seminatur*, in futura colligi, & qualis est sementis, talem futurā messem: & quoniam sementis Christi D.N. fuit in magna ignominia, messis fuit in magna gloria. Omniū Saluator, quid dicere poterō de ijs, quæ in tua passione seminasti, & in resurrectione collegisti; & quibus nunc in tuo regno frueris? seminasti in sepulcro corpus tuū mortale, per mortem amarissimam: resuscitasti verò illud immortale, ut nō amplius *immoriatur*, sed viuat semper vitam gloriosissimā; seminasti illud patibile, tormentis & cruciatib; pleni: sed surrexit impatibile, pleni summijs gaudijs. seminasti illud deformatū,

Dux spirit. Tract. II.

D d d graue



graue milleq; afflictionibus affectum: surrexit pulcrū, agile, & ab omnibus laboribus expeditum. Seminasti carnis miseris subiectū, & prodiit cum nobilitate & subtilitate Spiritus. *O granum frumenti quod k cadens in terrā mortuū fuit, ut multum proferres fructum,* generans multa alia grana, in donis & gratia tibi similia, doce me hāc sementē, sicut tu fecisti, in situere ut fructum ex ea colligam, quē tu collegisti.

1. Ioan. 12. 24

3.

QVOD si scire velis huius considerationis fructum: id fiet transformando tuū Spiritum, in imaginē Christi glorificati, ita ut sis per gratiā pulcher; per fidem splendēs; immortalis per constantiam & perseuerantiā in conseruanda vita charitatis; impatibilis per talē tuarum perturbationū mortificationem, ut liberet te ab omnibus spiritualib. infirmitatibus; agilis ob promptitudinē, & velocitatem in obedientia omnium diuinorū praeceptorū, Deiq; consiliorum, ac inspirationū. Ac deniq. subtilis & spiritualis cum pleno tuę carnis dominio, ut ab eius impedimentis expeditus, ascendere possis ad tuam conuersationem in cœlis habendam. Et tunc licebit spem concipere colligendi eos fructus corpori tuo, quos Redemptor suo collegit: dicens cum Apostolo: *1 Saluatorem expectamas D. N. Iesum Christum, qui reformabit corpus humilitatis nostrę configuratum corpori claritatis suę.* Nam ex transformatione Spiritus sequetur suo tempore transformatio etiā corporis; imitando (ut ait S. Greg.) ex nunc spiritualiter, quod obtinebis in resurrectione corporaliter.

Phil. 3. 20.

DUX SPIRITUS  
P. DE PONTE



poraliter vt tu quoq; tanquam eius *dilectus* sis  
per imitationem *botrus cypri in vineis Engaddi*,  
ducens Spiritu vitam quandam coelestē, qualē  
ille in cœlo habet, licet corpore sustineas mi-  
serias terrenas.

## §. 2.

**N**E tamen existimes, quamuis Christus  
D.N. in cœlo Emphyreo sedeat in thro-  
no suo, requiescens iam à præteritis la-  
boribus, eorūq; fructu in suo naturali corpo-  
re gaudens, eum propterea prætermittere præ-  
clarissima officia, in vtilitatē corporis sui my-  
stici, Ecclesie, videlicet, & congregationis fide-  
lium, & electorum suorum. Neq; .n. vel ad pū-  
ctum ibi manet otiosus, sed semper attentus &  
occupatus, absq; vllō tamen labore, aut mole-  
stia, sed summa potius oblectatione & quiete.

PRIMUM enim præstat officium Aduocati  
nostri, vt nobis applicet fructum suæ redem-  
ptionis pro nostris peccatis. quemadmodū di-  
xit dilectus eius discipulus: *si quis peccauerit*  
*aduocatum habemus apud Patrem Iesum Chri-*  
*stum iustum, & ipse est propitiatio pro peccatis*  
*nostris: non pro nostris autem tantum, sed pro o-*  
*mnibus totius mundi.* Et qualem putas aduoca-  
tum? est sapientissimus, in omnibus nostris ne-  
cessitatib; agnoscendis; prudentissimus in ad-  
mirandis cōsilijs, ac remedijs dandis; strenuif-  
simus in eisdem sollicitandis, nobisq; applicā-  
dis; misericordissimus in commiseratione no-  
strarum miseriarum; & potētissimus in sua ad-  
uocatione, vt nos ab eis liberet. Nam cū ipse

m Cant. 1. 14

I.

Aduocatus,

et. Ioh. 2. 1.



fit iustus, ipsaq; iustitia, non indiget vt propria  
sua negotia agat; & cum sanguine suo ex iusti-  
tia satisfecerit pro peccatoribus, dum sua vul-  
nera patri ostendit, poteter agit illorum cau-  
sam, ad hoc siquidem (vt ait Apostolus) *b* *ascen-*  
*dit in ipsum celum, vt appareat nunc vultu*  
*Dei pro nobis, viuatq; semper in eius presentia*  
pro omnibus intercedendo. Quod si diuina iu-  
sticia contra aliquem peccatorem irata dixerit  
*ecce anni tres sunt ex quo venio, querens fru-*  
*ctum in ficulnea hac. & non inuenio: succide et-*  
*go illam vt quid etiam terra occupat: ille par-*  
*tes eius intercedendo agit, & respondens dicit*  
*illi: dimitte illam & hoc anno vsque dum fodiam*  
*circa illam, & aliquod remedium adhibeam, vt*  
videas, an fructum ferat. Est q; a deo potens eius  
intercessio, vt iusticia diuina propter eam, sen-  
tentiam proferre differat, donec fiat experime-  
ntu; eius vero est tanta misericordia, vt p̄ semet  
se occupet in *fodendo & mittendo stercore*  
circa ficum nō pratermittens remedia quæ p̄-  
desse illi possint. O aduocate dulcissime, & a-  
mabilissime, fateor, me ficulneam esse inuicē,  
ac dignam, quæ malediceretur, & euelleretur  
ex rigore tuæ iustitiæ; sed intercedat pro me  
tua misericordia adhibens mihi remedium qu-  
cunq; conueniens, etiamsi alioquin doleat, vt  
fructum proferam, quem æternus tuus Pater  
requirit, ac desiderat. Amen.

2.

CVM hoc officio quod illi tanquam homi-  
ni conuenit, alterum adiungit Christus D.N.  
quo valde nobis indulget, & licet appellare  
supremi

DUX SPIRITUS  
P. DE PONTE

b Hebr. 9. 24

: Luc. 13. 7.



supremi ELEEMOSYNARI DEI: omnes. n. Eleemosynæ quæ petuntur à patre aeterno, per filium petuntur, & per eundem ipse pater eas distribuit, ac proinde ad illum remittit quæcûq; memorialia ipsi offerantur, eò quod omnia posuerit in manibus eius, & oēs benedictiones & eleemosynæ spirituales, quæ de cælo descendunt, per manum IESU Christi descendunt, & in pauperes in terra degeres distribuuntur. Ideoq; dicere licet: Christum D. N. in throno gloria suæ, sæper recipere memorialia, & audire petitiones, ac distribuere eleemosynas summa liberalitate & misericordia, ut supra est dictum.

Eleemosynarius supremus.

SED eius liberalitas non astringitur ad solas Eleemosynas, quæ petuntur; sed extendit se ad distribuendum, magna effusione oēs gratias & dona, quæ procedunt à Patre luminum, omnesq; benedictiones cælestes, quas constituit suis electis communicare. c. 5. n. (ut ait Apost.) descendunt ad nos per manum IESU Christi, qui ascēdit in altum dedit dona hominibus, singulis distribuendo propriam mensuram, & omnibus communicando varietatem gratiarum: & quod amplius est, etiam ipse mittit supremum omnium donum, quod est Spiritus S. quem admodum super Apost. misit; quod præstat semper officium inuisibiliter omnibus, qui ad illud recipiendum se disponunt; quos etiam iuuat, ut se disponant, mittens innumeram inspirationum multitudinem ad oēs memorabiles affectus, quos per illa operatur.

3. Munerum distributor

d Eph 1 3

e Eph. 4. 8.

4.

PRAETER hæc officia aliud quoq; præstat, quod plurima alia complectitur, supremi scilicet.



DUX SPIRITUS  
P. DE PONTE

*in*ubernator.

GVBERNATORIS, & capit s Ecclesiæ, Regis, Ducis, & Pastoris totius sui gregis, omnibus assistens, vt oēs adiuuet; eadē ipsorum officia cum singulis præstans. Nam ipse cū pontificibus, suisque vicarijs, officiū facit summi Pontificis, in omnib. quæ illi definiūt, statuūt, & faciunt, quā tales sunt, exequitur officiū Episcopi & Pastoris animarū nostrarum, cum Episcopis & pastoribus earum. Præstat officium sacerdotis, cum sacerdotibus & confessorijs. Nā cum eis offert seipsum in sacrificiū, descenditq; è cælo, vt sit ipsa oblatio; per eos ipse loquitur & cōsecrat, quando dicūt, *hoc est corpus meū*. per eosdē absoluit etiam à peccatis, cū dicunt; *ego te absoluo*. facit officium Concionatoris, cū ipsis Concionatoribus, per quos & ipse prædicat, & loquitur ad cor auditorum. Non. n. tam ipsi loquuntur, quā Spiritus Christi, qui per eos loquitur. Facit officiū Magistri cū Magistris spiritus inspirans eis, quæ docere debeant, & ipsemet per eos illud docet auditores in intimo animæ secreto. Ipse orat cū omnib. qui orant, meditatur & cōtēplatur, eos dirigēs & internè gubernās in sua oratione, & qñdo in aliqua tribulatione & pugna sunt, sicut S. Stephanus, se illis ostendit stātem instar pugnantis pro ipsis, vt ill os pugnantes adiuuet.

*5.*  
*Quæstor' su-*  
*premus.*

Et quid vltra de hoc Dño dicā? præstat quocūq; officiū supremi QVÆSTORIS æterni sui patris. ipsi. n. incumbit, soluere ac remunerare in hac & in futura vita seruitia ipsi præstita,

ipso



ipse est supremus ille f procurator, cui dixit pa  
 ter familias: voca operarios, & redde illis mercedem. iste est Dñs, qui iustos remunerat cū magna  
 abundantia spiritaliū consolationū, & aug-  
 mento gratiarū & virtutū; quibus etiam distri-  
 buis aliquas gratias gratis datas, aliosq; extra-  
 ordinarios fauores. ipse est, qui reddit in para-  
 to g centuplū oīs, qui propter ipsum rebus suis  
 renunciauerint. ipse donum largitur perseue-  
 rantia, distribuitque coronas gloriæ, vt suauis-  
 simè refert Auctor 4. lib. Esd. ex quo ipsa Ec-  
 clesia accipit aliqua verba. hVidi (inquit) in mō  
 te Sion turbam magnā, quam numerare non po-  
 tui, & omnes canticis collaudabant Domnū. Et  
 in medio eorū, erat iuuenis statura celsus, emi-  
 nentior omnibus illis, & singulis eorū capitibus  
 imponebat coronas, & magis exaltabatur: ego  
 aut miraculo tenebar. Tunc interrogavi angelū  
 & dixi: Qui sunt hi Domine? qui respondit dixit  
 mihi: hi sunt qui mortale tunicā disposuerunt, &  
 immortale sumpserunt, & confesi sunt nomen  
 Dei: modo coronantur & accipiunt palmas. Et  
 dixi angelo: ille iuuenis, quis est, qui oīs coronas  
 imponit, & palmas in manus tradit? & respon-  
 dens dixit mihi: ipse est filius Dei, quē in seculo  
 confesi sunt. ac propterea nunc eorū laborē re-  
 munerat. o fili Dei viui, ex corde gaudeo quod  
 tales in tuo comitatu viros habeas, quibus tua  
 spolia distribuas, & tuorum prēmiorū parti-  
 cipes facias, exerce erga me reliqua officia, quę  
 ad obsequiū tibi exhibēdū dirigūtur, vt dignū  
 inueniar, erga quē etiā p̄stes quæstoris officiū,  
 dedū-

f Matt. 20. 8

g Mat. 19. 19

h Lib. 4. c. 2.

24.  
Apo. 7. 9.



deducens me ad corrigendum tecum in celestis. Amen.

6.

Index.

VIDEMUS officij Iudicis obliti, quod tamen hic ipse Dominus exercet cum hominibus, non solum bonos remunerando, sed etiam improbos in hac vita castigando, sententiam in eos ferens; & morte damnans, reddens poenas ad mensuram culpam. Quod officium continuè exercet usque ad nouissimum vniuersalis iudicij diem, quo reuertetur publicè in mundum, cum maiestate magna, ut oēs homines iudicet, post eorum resurrectionem; repellendo à se peccatores in ignem æternum: iustos verò deducendo secum ad gaudia cœlestia.

Part. 1. Med  
23 &c.

i Apoc. 10. 12

Lib. 4. Mor  
c. 6.

SED quoniam de hoc iudicio multa sunt alibi dicta, id solum nunc addam, quod cum illo die (ut ait S. Ioannes) Dominus iste i aperturus sit totique mundo manifestaturus *librum sanctissimę vitę suę, ut ex ijs, quę in eo scriptę erant, peccatores iudicentur ac damnentur, eo quod nec illum legere, nec imitari voluerint; ratione it consentaneum, quemadmodum S. Gregor. monet, nunc studere lectioni & meditationi huius libri, & reliquorum, qui sunt scientię mysticę, de quibus hactenus egimus, transformantes in nos ipsos virtutes, ad quas talis lectio nos inducit, & aspirantes ad perfectionem supremam, quę ex libro diuinę essentię deduci potest, de quo libro in*

proximo Tractatu est

agendum.

*Santis 1550 Paderb.*

DUX SPIRITUS  
P. DE PONTE